

„Olympiasong füre Franjo“

Text: Brigitte Ramseier-Hofer

Der Franjo darf reise uf Bormio.
Im Gepäck hett är gaanz viel Schi
Si Chopf, dä isch voller Gedanke
A alles wo bishär isch gsi:
Fahr guet, fahr guet,
Mir zieh vor dim Können ja alli der Huet
Fahr guet, fahr guet,
Mir zieh vor dim Können der Huet!

Är -isch -scho:

Wält, Wält, Wältmeischer worde,
Wält, Wält, Wältmeischer worde,
Wält, Wält, Wältmeischer worde,
Uh, da hei mir Fröid, bum bum

Der Franjo hett nid gäre chalt
Nach der Saison geits uf Griecheland
Aber was isch dert de gscheh
Ja, o da hetts ganz vil Schnee
O o o o je, bum bum

Düre Summer tuesch Velo fahre
Interview gäh mit Wort mit klare
Ufe Töff, da gits viel Dräck
Glychgewicht halte, schwierig, läck!
O o o o o bum bum bum

Kitzbüel, Gröde, Loubhorn
Ja o da trifftsch du der Ton
Uf und ab isch näbenand
Erfolg u Sturz gä sech hie d Hand
O o o o o bum bum bum

Zwüschen de Renne Schanze boue
Für sich echli Zyt usehoue
Salto springe -d Wält steit still
Bi dir deheim i dim Idyll
Das gönne mir dir bum bum bum



We der Franjo geit a Start
Wott är mache e solidi Fahrt
Ds Crans uf der «Piste Nationale»
Ds Schreie vo de Fans git e lute Hall.
Ye e e e e bum bum

Mir drücke d Düüme, chätsche Negu
Mit de Schii hesch du kes Gschlegu
Wi uf Schine, sidefyn
Dini Sprüng si gar nid chlyn
O o o o o bum bum

Ja, Boltige isch wältberühmt
Wüll Franjo fahrt so unverblüemt
E wilde Hund, sig är, ja, ja
U laht de d Konkurränz la stah
O o o o o bum bum

Ke Dünkel hesch du, das isch schön
Es git uf der Wält gnue dummi Glöön
Mir si stolz, das weisch du scho
Uf üse Von Allme Franjo
O o o o o bum bum

U jetze d' Siege mit de fünf Ringe
Di andre mache längi Gringe
Isch ja klar, du bisch der bescht
Drum gitts hütt Abe das grosse Fescht
O o o o o bum bum bum Yeeeeeah

Refrain: (Melodie: Venus vo Bümpliz)

Der Fraaaaaa-njo vo Boltige
Isch schnäll wie ne Blitz, das Talänt,
hesch das gseh wie patänt?
Die guldge Plääääääm-ple si dir
Ohni z verlüre nimmsch se hei
U si ghöre jetz diir ganz elei.
E Chäääääääämpion bisch du
Ungloublech isch es wie im Film
Sone Drive, schön wie tanze e Jive

All or Neeeeeeefing isch toll
Ja, ungloublech, aber wahr
U die zwöiti Medalie isch klar
Der Fraaaaaa-njo vo Boltige
Viel Fүүr uf de Schi , hesch das gseh
schöni Spure im Schnee
Hesch ne gseeeeeeh, öse Franjo
Är isch der bescht, das isch klar
Mir si stolz, das isch waahr.

